

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

第七集
部
冊

責任編輯：孫言誠 賀 偉

ISBN 7-5333-0615-5



EB40/07

四庫全書存目叢書·集部七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 43.375 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333 0615-5

Z·60 集部定價：127800 圓

集部第七冊目次

集部·別集類

杜詩論文五十六卷

〔清〕吳見思撰 潘眉評
中央民族大學圖書館藏清康熙十一年常州岱淵堂刻本

..... 一

杜詩闡三十三卷(一)

〔清〕盧元昌撰
吉林省圖書館藏清康熙刻本

..... 五二五

杜詩論文五十六卷

〔清〕吳見思撰 潘眉評

中央民族大學圖書館藏清康熙十一年常州岱淵堂刻本

附《四庫全書總目·杜詩論文

五十六卷》提要

序

詩之有少陵猶文之有六經也前乎此者于此而指歸後乎此者于此

杜詩論文

一 漢序

而闡發文無奇正必始乎經詩無平險必宗乎杜此少陵之詩與六經之文並不朽于天地間

也然六經註解以心準
理原無疑昇少陵註解
以理侔物每有紛岐無
疑昇則讀之也易易則

杜詩論文

二 義序

解之不難有紛岐則讀
之也難難則解之不易
于是讀少陵詩謂無不
解其病猶淺竟謂可解

其病轉深蓋解事實則
博綜盡之解文體則神
智及之證形于有形不
若體物于無物此其故

杜詩論文

三 義序

先後天不同匪可工拙
計也吾嘗與吳子齊賢
尊酒論文見其一目十
行過卽成誦胸藏慧珠

才擅武庫拈毫作賦俄
頃千言生平著作實具
史材獨于少陵有夙契
焉虞山宗伯箋註尊重

杜詩論文

義序
劉

藝林殆非一日今吳子
互相發明虞山論其事
吳子論其文文旣剖析
無晦事更可考而知矣

昔少陵氣節因抗疏論
房琯不宜罷而貶齊賢
大父復菴先生因抗疏
論江陵奪情受杖闕下

杜詩論文

義序
五

雖毀譽相去逕庭其爲
批鱗敢諫則合一轍總
諸士君子褒美殫惡至
公無我千古上下高視

人表易地皆然况數十
年前尊人山公刺史忤
觸權璫禍幾不測挂冠
高遯延州譜牒以氣節

杜詩論文

六
龔序

世其家齊賢閉戶著書
不赴銓政故於一飯不
忘君父之餘揚扅其焦
勞幽憤而不失其和平

溫厚也率受知文端夫
子之門於齊賢稱雁行
世好論文一書非祇有
功曩哲抑且領袖後學

杜詩論文

七
龔序

意旨淵粹類而通之包
羅象緯照耀河岳繼虞
山而起者惟此編而已
厥甥姜子子翥走京邸


問序并頌伯成吳侯同
潘子元白主持風雅是
誠菴林之盛事也故樂
得而稱道之云

杜詩論文

八 龔序

康熙壬子年春月

淮南龔鼎孳題



序

千載杜公邈乎詩聖古今騷
人擬學而卒未能學屢註而
卒未能注所以者何杜公忠
誠惻怛格物窮理爲儒者之

杜詩論文

一 吳序

粹美特以遭時不偶守死善
道不免假六義以立言申忠
孝於天下耳後之人不務出
此是以襲其字句則碎錦空
陳逆其隱懷而穿鑿貽笑致

使學邯鄲者失其故步追楚相者僅有衣冠紫色蠅聲天下爲不少矣昔蘇端明欲以歐陽子比孟子其言曰言有大而非夸衆人疑之達者信

杜詩論文

吳序
二

焉余嘗慷慨而服膺其說人第見杜公當天寶之時窮愁次壤以終其身籌策不如鄴侯功名不如李郭而僅僅托韻府以寄其牢騷輒比之於

相如枚乘班蔡之徒用雕蟲篆刻以光耀於後禩則是非杜公之知已也夫杜公者聖賢而豪杰者也嘗試讀其蠶穀行茅屋歎非禹稷飢溺之

杜詩論文

吳序
三

心乎畱花門洗兵馬非吉甫方叔之略乎悲青坂達行在屬國蘇武之節也喜官軍送節度丞相出師之義也石壕村無家別召公鄒伯之仁也

義鵲行貧交行信陵平原之
俠也早朝而玉藻明堂有其
志北征而吉月朝服有其恭
儒者如此可不謂有唐一代
之完人乎其他敦節義重彝
倫聲聲吐肝膈言言泣鬼神
雖藉草吟花之餘偶爾游戲
無不披露然則杜詩非詩也
蓋五經之遺文耳今學杜與
注杜者皆泥乎詩之見所由

杜詩論文

四 吳序

失之逾遠也獨家齊賢誦其
詩能會心其所爲文卽以文
章之法次第疏導之不强杜
以從我而舉杜以還杜但覺
晦者如揭塞者以開血脉貫
通而神氣盎溢則不待易其
衣冠改其故步而千載之活
杜公出矣其真公之知己也
歟余于是而歎古人之賴有
後人也一詩耳善論之則九

杜詩論文

五 吳序

原可作千載猶有生氣不善
論之則其言雖存將同人與
骨而俱朽焉故曰常恨古人
不見我也

康熙壬子歲季春

杜詩論文

吳序
六

弟興祚拜撰



序

昔人云不行萬里途不讀萬卷
書不可讀杜詩杜詩豈易讀哉
予年二十上長安舉進士不第
旋遭會計被放家居構萬卷草
堂於獨孤山之西偏雜植花木

杜詩論文

董序
一

讀書其中而於草堂先生詩尤
吟哦之不置每一展卷如見其
間關羈旅負薪拾稻侘鬱無聊
之况因思成都梓閬往復萬里
若吳越齊魯梁宋之遊裘馬清
狂悲歌痛飲文人轉相效習至

問以獻賦待制陷賊竄奔扈從
還京棄官流寓之始終無有能
悉之者乙巳春驅車入關探秦
華曲江諸名勝道經河南鞏邑
去邑數百武榜曰杜甫故里而
偃師之西荒烟蔓草中杜甫墓

杜詩論文

董序

在焉嗟乎予不能無疑矣甫本
襄陽人後徙鞏縣其田園俱在
鞏洛予則謂杜甫居杜陵屬京
兆今之咸寧縣也詩每稱杜陵
野老進封西岳賦表亦稱臣本
杜陵諸生卽壯遊一詩有西歸

咸陽杜曲耆舊之句則鞏邑故
里爲甫曾祖之令於鞏者居之
而甫實未嘗居此若杜甫墓之
在未陽較偃師最著予考寰宇
誌未陽縣志俱載甫墓在縣北
未江左而元稹墓誌與舊唐書

杜詩論文

董序

所載俱云其孫嗣業自未陽歸
塋偃師則其卒在未陽而墓不
在未陽可知然卽甫之卒亦大
有可疑者呂汲公詩譜謂是年
夏還襄漢卒於岳陽魯訔黃鶴
譜謂卒於潭岳之交秋冬之際

近代錢牧齋詩箋斷其卒於耒陽殯於岳陽謂明皇雜錄正與史合予則謂史之年月亦未盡合如甫卒於大曆五年而史以爲永泰二年是也雜錄之誤更不可信其曰甫投詩於宰宰因

杜詩論文

謹序

以酒肉遺甫予觀至縣呈聶令之詩序是令遺酒肉後而始贈之以詩也一不可信又曰甫憔悴耒陽頗爲令長所厭致牛炙白酒甫飲之遂卒予觀以僕阻水療飢荒江數語是甫竟不知

令之飲人以鴆也二不可信又曰一夕而卒集中尚有贈聶耒陽詩予觀甫之興盡本韻又宿方田驛果以飮死豈能復爲長篇游憩亭沼此固黃鶴輩亦曾言之矣其不可信三也牧齋之

杜詩論文

謹序

言曰涉旬不食一飽無時何足詬病夫以飢餓之餘興在坑趙猶憤憤於乞師討罪之舉乃辭未及終竟以醉飽隕命天爲之乎亦人爲之耳潦倒西歸讀杜之暇偶著紙筆吳先生齊賢見

而快之曰可爲杜詩論事矣予
舊有杜詩論文請以示子因盡
發其篋中所藏古律長篇循端
竟委縷析條分凡一千四百四
十餘章予與潘子元白綜核其
同異成論文一書更將與吳先
生搜討舊聞網羅故實續爲杜
詩論事以救從來紕繆穿鑿之
病使天下之讀杜詩者適還杜
詩之本然而已

董元愷舜民氏撰



杜詩論文

董序

序

今人讀書輒藉口不求甚解而
于詩爲尤甚余甚惑之及觀箋
釋諸家言又往往强作解事鑿
空喜新非迂則誣則惑滋甚而
于是有謂詩在可解不可解之

杜詩論文

潘序

間者嗟乎詩固可解耶而死去
人于筆下者何耶其不可解耶
又何以使古人栩栩出紙上奕
奕然千載有生氣耶余見今人
之學詩矣無所感而悲憂窮憾
矣無所觸迂而瞋目怒號斫地

罵坐矣平居無事或且優閑貴
仕而呻吟疾呼飢寒奔迫矣甚
則海宇清晏日星順序而憂天
閔人傷惶跼蹐矣問其故則曰
古人有之也詩莫若唐唐莫若
杜甫而杜甫之詩固有所謂如

杜詩論文

潘序
二

是者也非是則詩不如杜亦不
工是誠何爲者齊賢先生從而
告之曰子悞矣詩不如是學也
卽如杜甫其生平所遇之境亦
甚不一而惡乎漫學之吾見有
悄然以悲者矣艱然以怒者矣

恭然以委頓而蹙然以愁思者
矣而皆莫不有歲月時事之可
按至于遊覽閱歷讌會贈答或
以人或以地或以事亦莫不有
所感會而後通于詩而子謂詩
可貿貿然爲之耶抑或暇豫無

杜詩論文

潘序
三

俚乃搜取某題纂爲某體遂仿
古某人某詩以誇示于吾黨而
自謂詩爲工者皆非也諸家不
具論請以杜詩例諸家爲夫今
之人藉藉于學杜也于是有杜
詩論文一書余不敢謂先生之

所言悉如當日作者之意與否而按此而求之庶可約略于其故且其指摘綜核則又甚便于學者因與董子舜民叅訂而行之亦曰是非解詩也論文云爾

陽羨潘眉元白誤

杜詩論文

潘序



序

少陵詩既推重於天下由是人之註杜者樊然以起有編年有敘體有分類有疏有箋有說有條記訓解宋蔡夢弼作草堂詩箋述引用姓氏自歐陽永叔宋子京王介甫蘇子瞻陳無已黃魯直而外又得呂祖謙等二十餘家若元明至今益不可勝數少陵之詩幾無遁義予獨以爲諸家以穿鑿附會爲少陵之罪人往往而有人之稱少陵者莫

杜詩論文

陳序